

# Tseem Muaj Kev Pab Nyiaj Xauj Tsev Tau Ib Ntus Ntxiv Yog Koj Toob Kas

---

Release Date: Aug 16, 2024

Cov neeg dim cov cua daj cua dub uas raug lub xeev Arkansas yim lub cheeb tsam thaum Lub Tsib Hlis Ntuj Tim 24-27 los tej zaum lawv yuav tsim nyog txais kev pab nyiaj xauj tsev tau ib ntus, suav nrog thawj qhov nyiaj them thaum xauj tsev nyob.

Dhau ntawm FEMA Lub Khoos Kas Pab Tib Neeg Thiab Tsev Neeg, tseem muaj Kev Pab Nyiaj Xauj Tsev Nyob Tau Ib Ntus rau cov neeg dim cov cua daj cua dub hauv cov cheeb tsam Baxter, Benton, Boone, Fulton, Greene, Madison, Marion thiab Randolph.

FEMA pab tau cov neeg dim tsim nyog uas tseem nyob tsis taus rau hauv lawv lub tsev thiab yuav tsum nyob ntev zog rau hauv cov tsev xauj tau ib ntus uas FEMA pom zoo txhawb nqa. FEMA yuav ua hauj lwm nrog cov neeg dim kom thiaj to taub seb lawv toob kas dab tsi rau ntawm fab tsev nyob tau ib ntus thiab pab lawv nrhiav kev pab cuam ntxiv kom lawv thiaj rov tau zoo tag nrho.

Kev pab no suav nrog them nqi tseem ceeb xws li fai fab thiab dej, tiam sis tsis yog rau lub TV los yog is taw nej. Tus nqi uas pom zoo yuav pab them nyob ntawm seb lub koom haum U.S. Department of Housing and Urban Development pom zoo rau ntau npaum li cas.

Koj tsim nyog txais Nyiaj Xauj Tsev Tau Ib Ntus Ntxiv yog koj:

- Twb txais Nyiaj Pab Xauj Tsev thiab koj ua tau pov thawj tias koj tau siv cov nyiaj ntawd los them tus nqi xauj tsev tau ib ntus.
- Koj tseem rov tsis taus mus tsev vim tseem tsis nyab xeeb los yog koj lub tsev tsis muaj lawm.
- Koj muaj nyiaj tsis txaus los them tus nqi xauj tsev nyob tau ib ntus thiab koj kuj tsis txais lwm yam kev pab ntawm lwm lub khoos kas pab nrhiav tsev nyob los yog koom haum pab dawb, thiab



**FEMA**

Page 1 of 3

- Koj tau txhim tsa Ib Txoj Hau Kev Nrhiav Tsev Nyob thiab koj tseem nquag ua hauj lwm kom ncav cuag tau lub hom phiaj ntawd.

Ib Txoj Hau Kev Nrhiav Tsev Nyob yog koj txoj hau kev rov mus nyob rau hauv koj lub qub tsev los yog nrhiav ib lub tsev tshiab uas koj yuav tau. Thaum koj tso npe rau Nyiaj Xauj Tsev Tau Ib Ntus Ntxiv no, koj yuav tsum xaiv Txoj Hau Kev Nrhiav Tsev Nyob nyob rau ntawm daim ntawv tso npe uas phim koj zoo tshaj. Yav tom ntej no mas, yog koj tseem txais nyiaj pab ntawm FEMA los mus xauj tsev nyob tau ib ntus, ces FEMA yuav nug seb koj puas tseem nquag ua hauj lwm kom ncav cuag koj txoj hau kev ntawd. Koj yuav tsum xa cov ntawv xws li tus kws txua tsev daim qhia txog tus nqi them los yog cov ntawv pub cai txua tsev uas qhia hais tias koj tab tom ncav cuag koj txoj hau kev lawm.

Yog koj tseem tsim nyog raws li cov hais saum toj no thiab kuj tau xa tag nrho cov ntawv uas yuav tsum xa tuaj rau FEMA, ces koj txais tau nyiaj pab them tus nqi xauj rau koj lub tsev tau 18 lub hli pib thaum Lub Tsib Hlis Ntuj Tim 30, hnuv uas tau tshaj tawm hais tias tau muaj kev puas tsuaj puas ntsoog lawm.

### **Kom thiaj tso npe thawj zaug rau Kev Pab Nyiaj Xauj Tsev Nyob Tau Ib Ntus Ntxiv:**

- Yog koj yog ib tug neeg uas yav tas los xauj tsev, ces tiv tauj mus rau FEMA thiab thov kom tau ib daim Tshaj Tawm Hais Tias Tseem Toob Kas Kev Pab Nyiaj Xauj Tsev Ntxiv.
- Yog koj yog ib tug neeg tswv tsev, ces feem ntau yuav xa daim ntawv tuaj rau tus neeg txais kev pab xauj tsev nyob tau ib ntus 15 hnuv tom qab pom zoo pub qhov nyiaj pab ntawd.

Ua tiav daim ntawv tso npe rau Kev Pab Nyiaj Xauj Tsev Nyob Tau Ib Ntus Ntxiv thiab muab xa rov qab mus rau FEMA nrog rau cov ntawv txhawb nqa nram qab no:

- Ib daim qauv ntawv txog koj daim lav lus xauj tsev. Daim lav lus xauj tsev yuav tsum muaj qhov chaw nyob rau lub tsev ntawd, tus nqi xauj yog pes tsawg, yuav xauj tsev hov ntev, muaj pes tsawg leej nyob rau haud, thiab cov kos npe ntawm tus tswv tsev thiab tus neeg xauj tsev,
- Cov ntawv ua pov thawj tias koj tau siv Cov Nyiaj Pab Xauj Tsev kom thiaj xauj tsev nyob, xws li cov ntawv ua pov thawj txog kev xauj tsev thiab cov ntawv



**FEMA**

Page 2 of 3

them fai fab thiab roj,

- Cov ntawv ua pov thawj qhia txog cov nyiaj uas khwv los rau tag nrho cov neeg nyob rau hauv koj lub tsev uas muaj 18 xyoo rov saud, thiab
- Cov ntawv qhia txog tus nqi kho tsev rau koj lub tsev uas koj nyob rau hauv ua ntej raug puas tsuaj yog koj tseem yuav tsum them cov nqi ntawd. Piv xam li, tej zaum ib tug tswv tsev tseem them tus nqi qiv nyiaj yuav tsev, cov nqi tuav pov hwm, los yog lwm yam fai fab roj rau lawv lub qub tsev.

Koj xa tau koj daim ntawv tso npe rau Kev Pab Nyiaj Xauj Tsev Nyob Tau Ib Ntus Ntxiv thiab cov ntawv txhawb nqa mus rau FEMA thaum:

- Muab ntxiv rau koj lub as khauj rov zoo ntawm kev puas tsuaj nyob tom [DisasterAssistance.gov](https://www.DisasterAssistance.gov).
- Muab xa mus rau FEMA, P.O. Box 10055, Hyattsville, MD 20782-8055.
- Muab xa fej mus rau 1-800-827-8112.
- Mus xyuas ib [Qho Chaw Rov Zoo Ntawm Kev Puas Tsuj](#), yog muaj.

Kom thiaj tso npe rau FEMA kev pab rov zoo ntawm kev puas tsuaj, hu mus rau 800-621-3362, mus saib [DisasterAssistance.gov](https://www.DisasterAssistance.gov), muab qhov [FEMA App](#) txuas rau lub xov tooj los yog mus xyuas ib [Qho Chaw Rov Zoo Ntawm Kev Puas Tsuj](#).

Tus xov tooj qhib txhua hnuv thaum 6 moo sawv ntxov mus rau 11 moo tsaus ntuj, CT, thiab muaj kev pab hauv ntau yam lus. Yog koj siv ib txoj kev pab cuam tham xov tooj xws li lub cuab yeej kaw duab thaum tham lus, lub cuab yeej sau ntawv thaum tham lus, los yog lwm yam kev pab cuam, ces muab koj tus lej rau txoj kev pab cuam ntawd pub rau FEMA. Hnuv kawg tso npe rau kev pab yog **Lub Yim Hli Ntuj Tim 28, 2024**.

Yog hais tias koj toob kas kev pab twg los xav tau ib tug kws txhais lus pab piav tes, thov hu mus rau FEMA Tus Xov Tooj Rau Neeg Cov Cai (Civil Rights Resource Line): 833-285-7448 (nyem 2 rau Lus Mev). Tus xov tooj no qhib thaum Hnuv Monday-Hnuv Friday 6 moo sawv ntxov txog 4:30 tsaus ntuj CT.

Kom tau cov ntaub ntawv nyuam qhuav luam tawm tshaj mus saib [fema.gov/disaster/4788](https://www.fema.gov/disaster/4788). Raws lub as khauj FEMA Region 6 nyob rau hauv X nyob tom [X.com/FEMARegion6](https://www.X.com/FEMARegion6) los yog nyob hauv Facebook tom [facebook.com/FEMARegion6/](https://www.facebook.com/FEMARegion6/).



FEMA

Page 3 of 3